



Documentaziun finala e rendaquint final

La premissa per pajar las subvenziuns è ina documentaziun finala cumpletta. Tala cuntegna ina glista dals custs effectivs e vegn duvrada sco basa per fixar l'import definitiv da la contribuziun che sto vegnir pajada. La documentaziun explitga transparentamain las lavurs fatgas vi da l'object e serva sco basa per mesiras posteriuras.

Il rendaquint e la documentaziun finala pon er vegnir inoltrads en furma digitala. Sco servetsch da cloud stat a disposiziun mo la pcloud da l'administraziun chantunala. Sin giavisch endrizza e trametta la Tgira da monuments dal Grischun (TMG) in link. Sco alternativa èsi er pussaivel da consegnar la documentaziun sin in stick USB.

En mintga cas ston vegnir inoltrads ils suandants documents:

1. Rendaquint final, incl. las copias dals quints. La structura dal rendaquint sto correspunder al Plan dals custs da construcziun (PCC). Necessary è il quint total. En cas da vasts projects da restauraziun èsi util da determinar supplementarmain ils custs subvenziunabels. La determinaziun definitiva dals custs subvenziunabels vegn fatga tras la cussegliazion da construcziun da la TMG.
2. Plans d'execuziun (sch'els na correspundan betg als plans da relevament): scala 1:20, 1:50 u 1:100. Latiers tutgan ils plans da las fatschadas, ils plans orizzontals, ev. ils plans dals palantschieus sura, ils plans verticals sco er ils plans detagliads. En cas da midadas da construcziun ston vegnir inditgadas las parts existentas cun nair, las parts che ston vegnir demolidas cun mellen e las parts novas cun cotschen.
3. Descripziun da las mesiras prendidas, da las tecnicas applitgadas e dals materials. Latiers tutgan p.ex. ils rapports da restauratur(a)s, inclusiv ils fepls d'infurmaziun technics dals materials duvrads e da l'applicaziun da tals vi da l'object.
4. Documentaziun fotografica: fotografias singulas digitalas dal stadi avant, durant e suenter las lavurs, en il format JPG, cun ina resoluziun da 300 dpi, ed etichettadas en moda chapaivla. Recumandaziun: object cun conturns, tut las fatschadas, fotografias da l'intern da tut ils locals, fotografias detagliadas (fanestras, portas, interieur e.u.v.) sco er fotografias expressivas dals donns.

Pajament

Il pajament final vegn fatg suenter la controlla tras la TMG, cun resalva dals credits en il preventiv respectiv.

Per far ils pajaments èn necessarias indicaziuns dal conto actualas e correctas (numer e possessur/-a dal conto).